

畿輔通志卷一百八十二

畧一百三十七

古蹟二十九

寺觀五大名

順德宣化

廣平口北三廳

遵化易冀趙深定

順德府

邢臺縣

開元寺在府治東北唐開元中建

大清一統志權題邢州開元寺

唐鍾離詩二首

云得道高僧不易逢幾時歸去願相從自言住處連滄海別是蓬萊第一峰

莫怪追歡笑語頻尋思離亂好傷神閒來屈指從頭數得見清平有幾人

天甯寺在府治西北唐開元中建元至元中重修

同上陳延實撰虛

照禪師塔記曹洞正宗自青州古佛而下十餘世得玉山體雪巖滿爲子再傳而得枝足青仙巖得爲孫曾燈燈相傳爲世導師莫敢嬰其鋒者仙巖道行孤高特慎許可得其傳者虛照禪師而已師諱宏明虛照其自號也旅申氏世居遼州榆社縣高家里甫童綰與羣兒嬉曉而弗顧聞諷誦之音則踴躍作禮父驚異曰必法器也當爲佛子稍長父聞枝足名

動海內攜師詣太原王山古刹禮爲童行署法諱焉授以經
卷則穎悟過人已乃祝髮受典致力於學漸許叩問推爲上
首曾未印可則心光已燦然矣枝足曰如來涅槃妙必非一
人能指授宜徧參諸方師卽引去衆莫能留也徑抵仙巖席
下究竟理窘窮日夜不息因默坐聞磬聲則舉拂叩牀豁然
領會仙巖知不可掩付以衣頌速命出世不獲已振衣而東
駐錫於燕之歸義是時無還超和尚主圓福與師爲法昆仲
懇求開堂師升座開發天人提引未晤爲一時所宗就主淨
土居十載學成行尊號大比邱歲戊戌邢臺帥府諸公聞師
名介天甯寺洪泰疏請傳持應命赴之緇素悅服寺經喪亂
鞠爲瓦礫師爲繕修檀施雲集遂爲邢州之聞刹會太保劉
文貞公學道於師緣契相植非偶然也王子夏五月八日沐
浴更衣辭四衆云四大無常名爲幻身擺手便行本無生滅
汝輩善後珍重索筆留偈曰兩處住持無法可說打破虛空
一輪明月書畢趺坐而寂斯亦奇特也三日光相繞室茶毘
得舍利百顆五色燦然壽五十七僧臘三十八度僧俗百餘
衆嗣法門人皆宗匠也小師子顏子琪等二十有八人皆堅
苦特立之士瘞靈骨於墳庵明年春訃至朔方時世皇潛邸
文正公實與賓僚奏遷舍利於仙巖道大名播作成文正現宰官
吁師稟受枝足復得法於仙巖道大名播作成文正現宰官
身位極王公功蓋天下能以出世法易爲住世法門非師其
孰與歸因併及之乃授以銘銘曰猗虛照師爲古佛孫出金
剛窟入不二門法海舟航僧門龍象再世惠能前身元朗拈
空掇有借位明功具正法眼一代之雄學徒滿門濟濟多士

惟文正公作新佛事之父之子名播大千法諦世諦易地皆然師之云亡塔於紺宇問法無從風鈴自語延祐六年八月

謹案府志云元時虛照禪師重修

凌霄寺在縣西北八十里宋元豐間建

雍正志 丁權宿凌霄寺聽琴詩潺湲石

幽路盤回寶梵深藏曲阜隈峭拔峰巒巒碧玉清涼世界隱
仙才暫捐塵累尋真賞却恨浮生乏道胎一聽牙琴情不寐

高山流水
思悠哉

淨土寺在天甯寺東北隅元建

同上

玉山寺在城東十五里宋崇甯間建

同上

靈巖寺在城西百里晉天福間建

同上

赫山九龍行宮在南郊外知府張延庭建

同上

通真觀在府治西南元至元間建

同上

太子觀在府城西三十五里世傳趙襄子爲太子時射獵於

此掘井得水後人肖像祀之

同上

沙河縣

峰巒寺在縣西南九十里昔宋曹皇后往寺修佛殿道經玉

路棘勾挂后裙后用手曲之至今路中棘針向上寺內有大

槐樹二夾古碑一通宋時建

府志

漆泉寺在廣陽山上一大清唐貞觀年建

府志

汎愛寺在縣治西北唐建

大清一統志

趙銘汎愛寺木蓮花詩沙河輔神畿南北當孔

道聳翠自西山汎愛領其要亭亭多老柏虬龍掣尾掉幹古

參青銅枝樛張大纛盤踞既得地競傳鳳巢妙木蓮花絕奇

神物天所造靈芝足比數瑞禾相映照
縣荷覆幬途適位茲土簿書苦潦倒偶然憩古刹塵慮爲却

掃罷勉矢冰蘂愧乏陰雨膏
退食倘餘閒過從時慰勞

謹案府志在留村

建福寺在縣南三十里唐天寶間建

同上

謹案府志云在南王村

延慶寺在縣西南三十里

同上

謹案府志云在丈八村唐天寶間建

南和縣

圓通寺在縣治東

雍正志

謹案府志云卽古鐘樓寺

金剛寺在縣東三十里有石金剛像元建

同上

謹案府志云在郝橋店

慧炬寺在縣北元魏時建

雍正志

寺有北齊碑鐫百佛像下刻

大齊天保乙卯僧道潤募造及助修男女姓名側鐫唐元和

九年僧智深重修古慧炬寺字碑斷爲二以鐵連之

縣志

謹案府志云在縣北古隄內康熙時知縣章兆蕙重修

興福寺在縣北十五里金大定間建

雍正志

謹案府志作增福寺在邵甯屯

平鄉縣

福勝寺在邑東北隅寺北首有大悲閣康熙四年邑令張應

麟修建闊五間高三丈有奇嗣張以聖誤去官寺僧明耀補

塑佛像邑進士趙培基撰記

縣志

常樂寺在縣東宋建

雍正志

西福勝寺在縣西柴村北齊時建

同上

清涼寺在縣北宋天聖間建

同上

封爵觀在縣境項羽救鉅鹿大破秦師還行封爵賞築觀於

此

同上

廣宗縣

普應寺在縣治東明洪武中建雍正志

謹案府志云在城內東北隅金大定年建

青龍寺在縣南唐貞觀二年建同上

南昌寺在縣北元建同上

文殊寺在縣西北元建同上

大同觀在大柏社元大德六年建同上

鉅鹿縣

三明寺在縣治南宋建康熙志宋邑令李桓撰記宣和二年秋證悟大師義雨來謁於予曰三

明寺舊有行香大殿近以水壞棟宇圯沒今願再有建焉太守錢公既可其請乃即舊址經營將底於成屬予以記其事

按圖經鉅鹿縣本禹貢大陸之地更漢晉後魏置縣不同隋於南緣故城改置鉅鹿開皇十年置三明寺旋以盜賊民庶

潛居寺遂廢唐貞觀元年以縣屬邢州十四年建寺於舊地後因水患人不奠居寺亦隨廢垂拱元年徙舊縣於東南十

有一里之新城乃今邑地有釋智良與其徒行湛智達希寂善琳大辯乞地創立建天寶十有二年寺始就緒粵有大殿

正居寺地之中南向有塔旁有廊廡而以衆院環列於外雖其瓦木之類移自舊城而此殿之建自此地始國家重熙累洽以迄今日聖天子在御百度具舉庶政維新四海肅清人物繁阜天下之民無有遠近沐浴加惠莫不謳歌鼓舞願祝天子萬年之壽由是郡邑梵宇務加修崇於時天甯邑之官屬與其士庶啟建道場仰祝聖壽獨就此殿遂名曰行香大殿大觀二年秋河決舊堤流行邑中寺之所有塔與羅漢閣爾水既東下退淤之地高餘二丈政和五年既浚邑證悟來自邢臺以上主院舊嘗受業刻意完葺凡六年殿有堂有庖有室率其法眷居之嘗語於衆朝廷廣闢淨土崇飾精藍所以使人遷善遠罪期有補於世也我輩皈依法門務廣真教上報天子之恩德大殿之役尤不可緩惟工用浩大建立爲難乃攜錫持鉢之磁之洛之北都之慶源隨其多寡乞諸民閒巨細之材不累月而足因其近便之地鳩工聚材置場於邢臺沙河南和平鄉採石於堯山方冬盛寒水涸路夷牛牽人挽車相屬者數百兩材石既集土工繼興遠近翕然樂爲就工越今年二月丁卯建木而落成於六月之丁未殿崇六十有五尺其修七十有二尺廣八十有四尺規模宏壯氣象高爽有輪奐之美而不溢於華有敦厚之勢而不入於陋揭其名曰妙嚴蓋以至妙之理而致事佛之嚴也塑迦藍釋迦彌勒佛於殿中文殊普賢日光月耀菩薩於左右列圖天宮內院六事因行西方淨土九品化生於東西壁以至三千化佛十萬菩薩十六羅漢各以其類炳然見於繪色之圖有先有後若相界付有因有果不妄分別有先御衛護之儀有演

說聽受之意自無有法相形之於有相究無所從來名之於如來其理至妙其法至嚴觀其棟宇張大象貌巖巖君子瞻之必以自存知善之不可不為小人過之必以自悔知惡之不可不去於以尊君報上而致華封之祝則名殿之意不其建歟予被命為邑始至之日以民居未復城郭未完田野雖闢疆界未盡明桑柘雖茂林木未可用遽興此役常歎其難而證悟以戒行素服於人四方檀越欣然附之其立意甚堅其成功甚敏遂採前世興廢之跡與其置殿立名之意書之宣和三年六月十五日

彌陀寺在縣西順德府志云在縣東花窩村元至正間建雍正志

隆鉅寺在縣西順德府志云在城西蛤蚧口村元至元間建同上

唐山縣

景福安眾寺在縣境唐建有上元元年無量壽佛經碑云碑主邢州刺史紀王慎敬造石經一部云云今碑猶完好縣志

三天閣在縣北十里許宣霧山

康熙志碑文畧唐山縣城北十里許

趙漁叔建三天閣

有宣霧山山之巔有古廟神像森嚴據元遺碑北殿爲靈顯
眞君殊爲荒唐明清之際易爲大慈大悲菩薩亦屬杳冥皆
非其正與實也趙子生於明老於清時因菩薩閣之建而主
之以堯孔此則其正與實也木廟住持道人有玉皇小像時
顯靈異於遐邇俗人以玉皇爲天天者堯孔之所敬也蒼蒼
漠漠中卽具赫赫明明之意是玉皇一天也惟天爲大惟堯
則之是堯一天也夫子之不可及也猶天之不可階而升也
是孔子一天也此趙子不曰菩薩閣而曰三天閣之意也殆
欲與人胥歸於正道與夫實地而已唐李君政撰宣霧山
鐫經像碑高士李惠寬趙郡象城人也皋陶之後左車之允
盤石之宗連華帝籍生而達理長而悟元齟齬之年蔡伯喈
聞而趨步荷嗟之歲王平子見而絕倒洞徹苦空之理徧知
物我之義爲半句而燔兩臂爲一偈而燒七指尸毗割肉薩
捶捨身方之厲行畧無差等加以食松却粒卧石漱流夏則
編草爲衣冬則引茅自覆形體雖殘不以爲苦謗訕雖至不
以爲失猛獸去骨未足稱奇野鳥來巢詎將爲異屬有隋失
馭區宇分崩百郡則杼軸皆空千城則骸骨俱滿龍驚鷄退
豕哭鯨吞蕞爾漼然聲嗽蕩蕩惠寬及於華巔早遇太平不
忤身形共崇福業泊粵若稽古大唐仰握天鏡俯按地圖應
期接統濡足授首據八十一萬之分承七十五代之君類大
庭華胥之時同尊盧祝融之日惠寬荷皇穹與善素樂獲從
植聖人既作萬物咸覩以武德六年四月八日乃於此山報

國修立龕岩爲室鑄石造賢叔干佛法華經一部管攝浩大神靈護持就使百億須彌未有若斯修福者也其南則臨柏縣龍興避地之所北帶茅山鷲駕遊天之處東則神泉洶湧遠繞滄波西則泝水澎湃近連翠嶺彌亘千里控帶百川迤迤河南之垂徘徊冀北之際下龍金闕上跨玉京旣達退食之墟又接還簪之境如來真範遍滿岩崖修多妙旨週迴嶺岫長松映彤庭之彩文石晃金紫之像因竹林而起精舍爲檜樹而製香爐雲物浮沉恒過鹿野烏兔來往直指鷲山窗戶平接星宮梁棟斜通月殿旣類從天化成又若因地湧出名僧搖錫遠邑爭來德士褰衣他方並至於是使持節上柱國本州諸軍事定州刺史定州都督相州總管杭州刺史大光祿大夫呂國公士洛佐命心膺幹國爪牙王白廉李之流絳灌樊滕之輩飛旌河朔疊鼓恒陽發摘旣類秋霜仁明復同春日六條布德志洽弟兄十部垂恩情深岵岵魚懸憤在百姓興五袴之歌雁至鹿馴四民發兩岐之詠恭敬三寶回向十方脫捨財帛減徹車馬遂與惠寬共營此福大宏妙規深啟檀度柏仁縣令嚴雄撫宰百里清肅一圻迹同遷蛭治侔馴雅精誠信向經始伽藍勸課丹青修飾經像雖目連之神通敏給文殊之智慧莊嚴姪此尊崇實爲雋類有宿士李長欽李士羅李希哲李明郎牛孝祖等並鄉社髦又里閭清修愛法念道奉善樂施惟昔微功小效尙載景鐘細事磨言猶書甫鼎況布金重意剖骨殷心用樹高碑期傳來業大唐貞觀七年九月三日庚子朱州行參軍武騎尉李君政撰

廣教寺在縣治西明洪武中建雍正志

謹案府志云在城東

樂善寺在縣西霍村元建同上

隆勝寺在宣霧山一名千佛堂周太祖代漢後即堯山建寺

鑿山為龕琢刊佛像佛經於上錫名隆勝寺縣志

內邱縣

經閣寺在縣治南宋元祐中建大清一統志

梵雲寺在且亭山雍正志明魏拙庵遊且停寺詩捫徑登臨處藍輿樹杪行澗聲喧宿鳥松影落長

鯨地僻人應遠山空月倍明煩心消欲盡棲此學無生

興化寺在黑壁山宋乾德間建同上明馮善登黑壁山興化寺詩峰頭古寺自齊梁薄

暮登臨景更芳曲徑紆迴惟草色深林聳翠有松香僧離古洞風塵別水落懸崖音韻長為愛山房偏坐久雲橫樹杪鬱

蒼蒼

寶泉寺在河渠內唐永昌間建

同上

慈仁寺在金隄店

同上

謹案府志云漢孝子郭巨獲金以其半養母半建此寺

圓津庵在四楊橋

同上

國朝梁清標遊圓津庵詩并序過內邱十七里許道旁有圓津庵牆外綠陰

蓊鬱南有石梁余停車入門覺與凡刹有異殿二層爽塏可喜最後藏經閣巋然登之河山雲樹歷歷可數殿東偏另闢小門則精舍三楹雅潔幽靚地無纖塵盆菊芳香染人衣袂窗後竹樹交蔭院前小畦雜植牡丹海棠臘梅之屬又折而東疊石爲臺上有亭翼然可供瞻眺臺後鑿池種荷甚茂臺旁松柏森立間以古藤蔚然深秀途徑軒檻皆曲折成趣此數百里內第一精藍也僧名印亭又名涵萬自言年七十餘手創此庵者五十年矣今老而閑藏士大夫輒軒往來及邑中文人詞客遇從始與相見余徘徊歎息久之僧胸有邱壑兼解詞翰令遇陶元亮歐陽永叔其人甯遂出惠遠秘演輩下哉因爲二詩紀其勝

古道逢初地開門納遠青雲中窺傑閣木末起孤亭薺蔔飛香滿風塵倦眼醒老僧如健鶴避

客日繙經丈室秋容澹脩然地有餘修篁過曲檻古蔓蔭

前除鶴避烹茶竈囊收種樹書層臺牛斗逼吾意欲凌虛

又贈圓津庵涵萬開士詩小築祇林不計年乘林一衲海雲邊客來爲設伊蒲饌悟後常參柏子禪到枕秋聲聞眾籟閉

關佛火下諸天征途過此心俱寂十丈塵中結靜緣 又重
過圓津庵詩客秋過松門寒香秀叢菊今來汗沾衣遙喜清
陰覆石梁何蜿蜒相屏隱禪屋老僧笑迎門勞苦太僕僕揖
我坐東軒翦然蔚林木當階翻紅藥簷花散紛郁掃坐焚妙
香翛然愜幽獨白粲供晨食園蔬采芳藪帶烟折笋芽一飽
勝梁肉攬衣陟孤亭青蒼失炎煬錦鱗泳清池瓦雀喧修竹
俯仰眺山河松影下川麓孰意塵鞅間倏快登臨目安能緩
嚴程晚就山雲宿明月滿高樓金波手可掬 方觀承乘傳
赴開封過圓津庵小憩有作前旌已度馬仍遲逕啟僧房茶
熟時小憩情殷塵外夢名賢坐近壁間詩春庭草樹輝禪悅
古道津梁仗佛慈回首甘年風雨路鴻泥覓徧境全移 癸
酉秋初力疾赴順德過圓津庵贈藹然禪師再疊壁間前韻
依依曲徑引筇遲相見逢秋甚瘦時學道維摩新示疾拂
塵蕭寺舊題詩憑持慧筏通津遠共信祇園大眾慈病藥氣
餐僵頓起歡顏各向鏡輪移 又丁丑仲夏過圓津庵悼藹
然禪師用前韻樹影濃添粥鼓遲衣稀拄杖導門時百年過
客醒猶夢幾度逢君偈與詩邑乘合書名釋傳路人爭誦給
孤慈星郵到此閒應好剎那光中鏡屢移 又勘漳衛水溢
宿圓津庵疊前韻道柳陰隨落照遲歸鴉共客暮鐘時星河
鶴嶺今宵夢日月僧房前度時德薄敢云川作障民瘼端在
吏能慈憂來試聽瞿曇語藥可醫龍水可移 又次韻圓津
庵壁間舊句示藹然禪師詩重來已是七年遲更憶孤蹤問
路時豈爲勞人多依佛因尋古寺又成詩秋花近砌憐幽寂
法雨乘空仰慧慈老病漸增遊與宦看君一榻未曾移 周

元理詩并序甲午冬按部至內邱再憇圓津庵感懷藹然禪師即書示衆一十入四揚古通津輪蹄紛來往寶利創何

年幽如隔塵壤廣平昔寄跡此地頻解鞅野鶴守巖平道門小開黎入座延清賞微聞迎陵聲滿庭花木長肅衣禮瞿曇

篆烟籠繡幌老僧有道者貌古神超朗夙抱慈悲心給孤園敞收恤無告民佛門真濟養始信推仁術儒釋固無兩前

賢題咏多清詞掃塵埃覽罷意翛然如如涵萬象楞嚴信手繙皈依忽結想俄洊陟畿封夙夜懷崇廣時那曠移司卿藹

指已十年重來即方丈老僧驂鸞去衣鉢令誰掌猶憐子弟

賢一燈續明晃撫事迷舊遊依稀勢想像三復樅陽詩倍令心慨慷百年駒騁隙萬事蛛絲網即境已成空鴻泥況倘恍

訪諸巖鉢鉢二載頻來松徑間香烟流遠磬秋色滿空山津庵詩俟爾二三載頻來松徑間香烟流遠磬秋色滿空山

纔覺花無意始知身未閒何妨歸路晚欲待夜光還王登聯避暑人圓津庵詩途長驄馬倦避暑人禪林徑曲天花靜

庭虛貝葉深青垂亂竹影塵駭聽梵禽坐久心方寂老僧何處尋吳縣張垣重過圓津庵十五年與金檜門先生同

遊賦詩於此題詩重拂剡溪藤載酒清遊向日會野火不燒紅葉寺殘碁相對白頭僧人間甲子飄如桑世上功名薄若

冰淚滿山阿成獨往仲先猶裏舊時滕

任縣

崇勝寺在縣治東北明洪武中建

縣志 吳嵩重修寺記畧佛之一法自後漢時流入

中國而其法始興自東魏初大興塔廟而其寺始建繼今上自國都下及郡邑皆建寺設殿以嚴事之蓋所以興其法也任縣在城西北舊建崇勝寺一所歷年既久殿宇傾圯正統十四年春僧會福增暨其徒思慧募緣於四方以作新之不果師徒相繼而斲至景泰改元之初僧會海靜偕其徒德昇續而爲之既成後殿復創卧佛殿增設佛像於中又建山門廊廡塑像於旁未及周歲殿宇一新入者改觀落成之日請予爲言姑述其佛之示法與夫僧之興法者爲之記云明景泰三年七月二十一日記 又崇勝寺補砌臺殿記崇勝寺在縣治後北門內蓋古刹云創建之時不可考殿宇巋然則宣德時鄉薦紳侍御胡公準所構也雄偉鉅麗甲於諸寺中肖釋迦及諸佛菩薩梵相莊嚴北向爲大士三像瞻禮者時時拜謁其下殆邑中一勝地也歲月屢更工亦漸圯賴時時葺治之壯麗猶昔獨布地多毀壞得無弁華冠而跣足也乎檀越徐騰蛟王之貴等首倡善果釀金治之易輒以石皆椎琢精楚既堅且美殿外臺級一新以茲蒨廣林董其事始於萬厯三十年今十餘載來謁者升其臺履其地彷彿遊化城而登極樂厥功巨哉寺僧欲謀諸不朽礲石以徵記明萬厯四十年歲次昭

陽赤奮若正月日

清涼寺在縣東臺南鎮隋開皇五年建

縣志 張子文重修寺記畧浮屠之教其

來遠矣肇興於西方之天竺自漢明帝感金人之夢遣使求其道得其書及其沙門由是始入中國當時惟楚王英最先好之迨六朝事之漸謹教遂大行至於今日郡國莫不建寺肖像以祀亦以佛化之有益於人耳吾邑臺南鎮有寺曰清涼勸於隋開皇之五年繼建於我朝正統七年而重修於成化之十六年其地窪下多水歲久而頽將至於廢住持圓喜大懼不振爰請於邑侯古澤潘公愷欲將大啟其宇使佛教之不隳也公聽之有善人劉山陳士賢等咸願從事於是四方之心翕然而財輸以所樂施力助以所可致木石既富工匠子來由是殿宇重興象教大備聿新百年之制度宏啟一時之巨觀何如其壯麗耶且也挹遠山之秀麗臨流水之潺湲香稻修楊得於一覽之下明霞皎月接於翹首之餘鐸音與鼓韻喧填帆影共香烟縹緲此寺勝概之大畧也
峇正德十一年歲次丙子九月日

靈光寺在縣西驛頭村金大定間建

雍正志

八寶寺在縣東北陽固村金大定間建

同上

西明寺在縣西北十里金大定間建

同上

謹案府志云在城西顏解村唐時建

廣平府